

- (2) Troškovi i naknade iz poslovanja i upravljanja fondom za nekretnine moraju biti u skladu sa članovima od 65 do 68 Zakona o investicionim fondovima.

Član 4

(Ograničenja ulaganja neto vrijednosti imovine fonda)

- (1) Najviše 15% neto vrijednosti imovine fonda može biti uloženo u papire od vrijednosti jednog emitenta.
- (2) Najviše 10% neto vrijednosti imovine fonda može biti uloženo u finansijske derivate čija je cijena zasnovana na nekretninama. Finansijski derivati moraju biti navedeni u prospektu, a emitent finansijskih derivata mora imati odobrenje Komisije za papire od vrijednosti u Brčko distriktu BiH, odnosno odobrenje entitetskih komisija.
- (3) Najviše 20% neto vrijednosti imovine fonda može biti uloženo u udjele ili dionice drugih fondova za nekretnine.
- (4) Fond za nekretnine u svom vlasništvu ne može imati više od 25% dionica s pravom glasa istog emitenta ili papira od vrijednosti iz iste emisije.

Odjeljak C. Završne odredbe

Član 5

(Stupanje na snagu)

Ovaj pravilnik stupa na snagu osmog (8) dana od dana objavljivanja u Službenom glasniku Brčko distrikta BiH.

Broj:15-02-325/08
Brčko, 21. 8. 2008. godine

**Predsjednik
Komisije za papire od vrijednosti
Brčko distrikta BiH**
Mirsad Bešliagić, dipl. oec., s.r.

570

Na osnovu člana 213 stava 3 Zakona o investicionim fondovima (Službeni glasnik Brčko distrikta BiH, broj: 30/07), člana 65 stava 1 tačke 1 i člana 66 Zakona o papirima od vrijednosti (Službeni glasnik Brčko distrikta BiH, brojevi: 15/03, 27/04, 42/04 i 28/07), člana 6 stava 1 tačke 1 i člana 7 Statuta Komisije za papire od vrijednosti Brčko distrikta BiH (Službeni glasnik Brčko distrikta BiH, broj: 10/04), Komisija za papire od vrijednosti Brčko distrikta BiH, na 80. (osamdesetoj) sjednici održanoj dana 21. 8. 2008. godine, donijela je:

P R A V I L N I K o ulaganjima i ograničenjima ulaganja otvorenih investicionih fondova rizičnog kapitala s privatnom ponudom

Odjeljak A. Sadržaj pravilnika

Član 1

(Sadržaj pravilnika)

Ovim pravilnikom propisuju se kriteriji dozvoljenog ulaganja imovine otvorenog investicionog fonda rizičnog kapitala s privatnom ponudom (u daljnjem tekstu: fond) i kriteriji kvalitativnog i kvantitativnog ograničenja ulaganja.

Odjeljak B. Dozvoljena ulaganja i ograničenja ulaganja imovine Fonda

Član 2

(Dozvoljena ulaganja imovine fonda)

- (1) Dozvoljena ulaganja imovine fonda u skladu s članom 212 Zakona o investicionim fondovima (u daljnjem tekstu: zakon), osim udjela u preduzećima koja nisu dionička društva, realizuju se na uređenim javnim tržištima i / ili službenim berzanskim tržištima papira od vrijednosti Bosne i Hercegovine, Federacije BiH, Republike Srpske, država članica Evropske unije i drugih država.
- (2) Ulaganja iz stava 1 ovog člana moraju biti predviđena u prospektu i statutu fonda s jasno naznačenim tržištima papira od vrijednosti pojedinih zemalja u čije se papire od vrijednosti može ulagati.
- (3) Službena berzanska tržišta izvan članica Evropske unije su sva ona tržišta koja su kao takva određena statutom berze matične zemlje.
- (4) Ulaganje imovine Fonda u neuvrštene papire od vrijednosti dozvoljeno je isključivo ako je to predviđeno prospektom i statutom fonda.

Član 3

(Ograničenja uzimanja ili davanja kredita ili zajmova)

- (1) Fond ne može uzimati ili davati kredite ili zajmove po bilo kojoj osnovi u periodu od dvije godine od osnivanja fonda do zaključenja pristupa posljednjeg ulagača u fond.
- (2) Izuzetno od prethodnog stava, fond može uzimati ili davati kredite ili zajmove i ranije od isteka roka od dvije godine, ukoliko ulagači izvrše uplate u fond u iznosu ne manjem od 10.000.000,00 KM.
- (3) Istekom roka od dvije godine od osnivanja fonda, fond ne može uzimati ili davati kredite ili zajmove po bilo kom osnovu sve dok postoji obaveza uplate svih ulagača.
- (4) Izuzetno od prethodnog stava, fond može uzimati ili davati kredite ili zajmove ukoliko se ulagači na pozive društva za upravljanje investicionim fondom pismeno izjasne o nemogućnosti ulaganja u fond.
- (5) Zabranjeno je davati zajmove iz imovine fonda društvima u koja ulaže fond.
- (6) Zabranjeno je davati zajmove iz imovine fonda ulagačima u fond.

Odjeljak C. Završne odredbe

Član 4

(Stupanje na snagu)

Ovaj pravilnik stupa na snagu osmog (8) dana od dana objavljivanja u Službenom glasniku Brčko distrikta BiH.

Broj:15-02-330/08
Brčko, 21. 8. 2008. godine

**Predsjednik
Komisije za papire od vrijednosti
Brčko distrikta BiH**
Mirsad Bešliagić, dipl. oec., s.r.

571

Na osnovu člana 137 stava 4 Zakona o investicionim fondovima (Službeni glasnik Brčko distrikta BiH, broj: 30/07), člana 65 stava 1 tačke 1 i člana 66 Zakona o papirima od vrijednosti (Službeni glasnik Brčko distrikta BiH, brojevi: 15/03, 27/04, 42/04 i 28/07), člana 6 stava 1 tačke 1 i člana 7 Statuta Komisije za papire od vrijednosti Brčko distrikta BiH (Službeni glasnik Brčko distrikta BiH, broj: 10/04), Komisija za papire od vrijednosti Brčko distrikta BiH, na 80. (osamdesetoj) sjednici održanoj 21. 8. 2008. godine, donijela je: